

# 菩萨五法忏悔经

失译师名开元附梁录



南无本师释迦牟尼佛

## 说明

本《菩萨五法忏悔经》电子书，是以清制《乾隆大藏经》，第67册，第1097部，大乘律部《菩萨五法忏悔经》影印本为底本校正的，特此说明。

仁慧草堂

二〇一六年四月

《乾隆大藏經》第 67 冊，大乘律部，第 1097 部

# 菩薩五法懺悔經

失譯師名開元附梁錄

十方三世佛。五眼照世間。三大無不知。明見罪福相。弟子某甲等。從無數劫來。不遇善知識。造作一切罪。破戒犯四重。六重及八重。謗法斷善根。具足一闡提。幸遇諸如來。經法賢聖眾。能除眾罪者。弟子頭面禮。願諸惡雲消。令發無上慧。懺悔竟。五體作禮。

十方諸佛始登道場。觀樹經行未轉法輪。無明老死長夜可悲。願設法藥救諸疾苦。法雨流布。枯槁眾生。得道明了。十方現在佛。已度有緣者。眾生多懈怠。方便現泥洹。弟子誠心禮。請佛令久住。一切諸菩薩。已發無上意。願勤加精進。於無佛世界。現成等正覺。普度諸羣生。慈哀無過佛。是故至心請。請佛已竟。頭面作禮。

歷世懷嫉妬。我慢及恚癡。見人得利如箭射心。聞人得樂如釘入眼。坐此諸罪障。墮落三惡道。常不遇諸佛。今日一心悟。發大隨喜心。十方三世佛。及德弟子眾。其數無有量。從初發一

念。乃至坐道場。四等大布施。清淨持禁戒。定慧及解脫。無量諸知見。弟子悉隨喜。慧心朗然明。愚癡闇障滅。一念發隨喜。功德滿十方。智慧如諸佛。隨喜已竟。五體作禮。

往返生死中。從生故至死。從貴故還賤。惟未得泥洹。法身常清淨。般若妙解脫。今當求此利。所可有福業。一切皆和合。迴以施眾生。共成無上道。廣大如虛空。無相如眞智。究竟盡法界。金剛空慧常現在前。無行神通有感必應。迴向已竟。頭面作禮。

誠心發大願。行道誓願。慧心如猛風。定力如金剛。於此迴向後。念念轉慈悲。捨離愛著想。歡喜度一切。捨去身命時。佛放光明滅除一切難障。化生兜率天。面覩慈氏尊。眾相盡具足。六根普聰徹。聞佛說妙法。即悟無生忍。皆住不退地。乘大神通力。周遊十方國。供養一切佛。無量妙音聲。讚歎佛功德。二十五有中。無時不現身。如日照世界。光明朗十方。一切幽闇處。皆為作燈明。雖得佛道。轉法輪。現泥洹。眾生不盡成佛。不捨普賢文殊願。發願已竟。洗心作禮。

《乾隆大藏经》第 67 册，大乘律部，第 1097 部

# 菩萨五法忏悔经

失译师名开元附梁录

十方三世佛。五眼照世间。三大无不知。明见罪福相。弟子某甲等。从无数劫来。不遇善知识。造作一切罪。破戒犯四重。六重及八重。谤法断善根。具足一阐提。幸遇诸如来。经法贤圣众。能除众罪者。弟子头面礼。愿诸恶云消。令发无上慧。忏悔竟。五体作礼。

十方诸佛始登道场。观树经行未转法轮。无明老死长夜可悲。愿设法药救诸疾苦。法雨流布。枯槁众生。得道明了。十方现在佛。已度有缘者。众生多懈怠。方便现泥洹。弟子诚心礼。请佛令久住。一切诸菩萨。已发无上意。愿勤加精进。于无佛世界。现成等正觉。普度诸群生。慈哀无过佛。是故至心请。请佛已竟。头面作礼。

历世怀嫉妬。我慢及恚痴。见人得利如箭射心。闻人得乐如钉入眼。坐此诸罪障。堕落三恶道。常不遇诸佛。今日一心悟。发大随喜心。十方三世佛。及德弟子众。其数无有量。从初发一

念。乃至坐道场。四等大布施。清净持禁戒。定慧及解脱。无量诸知见。弟子悉随喜。慧心朗然明。愚痴闇障灭。一念发随喜。功德满十方。智慧如诸佛。随喜已竟。五体作礼。

往返生死中。从生故至死。从贵故还贱。惟未得泥洹。法身常清净。般若妙解脱。今当求此利。所可有福业。一切皆和合。回以施众生。共成无上道。广大如虚空。无相如真智。究竟尽法界。金刚空慧常现在前。无行神通有感必应。回向已竟。头面作礼。

诚心发大愿。行道誓愿。慧心如猛风。定力如金刚。于此回向后。念念转慈悲。舍离爱着想。欢喜度一切。舍去身命时。佛放光明灭除一切难障。化生兜率天。面睹慈氏尊。众相尽具足。六根普聪彻。闻佛说妙法。即悟无生忍。皆住不退地。乘大神通力。周游十方国。供养一切佛。无量妙音声。赞叹佛功德。二十五有中。无时不现身。如日照世界。光明朗十方。一切幽闇处。皆为作灯明。虽得佛道。转法轮。现泥洹。众生不尽成佛。不舍普贤文殊愿。发愿已竟。洗心作礼。

## 回向偈

愿以此功德 普及于一切

我等与众生 皆共成佛道



此咒置经书中可灭误跨之罪

南无护法韦驮尊天菩萨

